



瑤率上兵與徽  
拉回戰於蘭州  
西原風古堆坪  
受傷甚劇旋調  
赴秋道沙泥站  
扼賊歸路

甘肅青史略正編卷十九

清高宗辛丑乾隆四十六年四月平番縣土司魯瑤率土兵攻華林山賊聚甘州

提督任和不救敗績

撤拉據西關禮拜寺射書城中請釋教主馬心明恐甘涼西甯官兵之來救省城也火浮橋黃河兩岸渺無人影未幾甘州提

督任和率兵赴援適河橋已斷壁河北之金城關日給圖議戰無渡河計三月二十八日平番連城土司魯瑤率土兵三百人至與任和會議任和曰賊據華林山以高臨下勢銳甚非大兵四面包圍不足以制勝爾初到不知賊氛熾容緩再議瑤曰果爾則朝廷需我何賴吾祖上皆以戰功顯今而遭此賊畢志之秋也請為先鋒明公率兵後應賊可滅矣任和允許瑤率土兵三百人先用皮筏渡河直上華林山搗賊老巢賊聞棄城走與土司兵戰任和竟不渡河救賊盡殲土司兵魯瑤勇捷賊追急鎗斃追者遂渡河餘無一生還者

案甘青兩省界連番族明初各設土司籍資鎮攝父死子繼遂成世襲清因明制俾各該土司世守其地亦封建之歸之餘波也但土司有帶兵者有不帶兵者有食俸者有不食俸者食俸而又帶兵隨時聽總督調遣魯瑤聞蘭

州有警不調自來尤有足多者焉茲將甘青兩省土司姓名照督署乾隆四十六年檔案鈔錄於左

河州土司五員內

土司指揮同知何武

並未管理土兵  
係何鎮南之後

土司指揮使韓成璋

並未管理土兵

土司百戶王斌

並未管理土兵

土司千戶韓光祖

管土兵六十四名

土司千戶韓昱

管土兵六十四名

以上土司並未食俸

狄道州土司一員

土司指揮趙激管土兵一百名並未食俸

岷州土司四員內

土司百戶馬映星管土番目番民九十六名

土司百戶后佐鄉管土目土民二十六名

土司百戶后建勳管土目土民五十二名

土司百戶趙永清管土目土民四十五名

以上土司並未食俸

洮州廳土司三員內

指揮僉事楊宗業管土兵二千十六名

指揮副千戶楊班爵管土兵十二名

指揮僉事咎朝龍

管土兵一百五十九名

以上土司並未食俸

平番縣土司九員內

指揮僉事魯萬策

管土千總一員土把總一員土步兵二十五名歲支俸祿銀四十八兩一錢九分二厘

土千戶魯廷俊

並未管理土兵歲支俸祿銀四十二兩一錢六分八厘

指揮使魯瑩

並未管理土兵歲支俸祿銀七十二兩二錢八分

護指揮使魯陳氏

並未管理土兵亦未食俸

指揮同知魯振先

並未管理土兵歲支俸祿銀五十二兩二錢一厘

土百戶楊嘉麟

並未管理土兵歲支俸祿銀三十兩一錢二分

土百戶何毓璠

並未管理土兵歲支俸祿銀三十兩一錢二分



土千戶魯宗禹

並未管理土兵歲支俸銀三十二兩一錢二分

土千戶王正武

並未管土兵亦未食俸

莊浪土司二員內

指揮使魯璠

管理千總一員把總二員土番兵五百三十二名歲支俸祿銀七十二兩二錢八分八厘

暫護土千戶切聰住

並未管理土兵亦未食俸

永昌縣土司一員內

土千戶地水切令

並未管理土兵亦未食俸

西甯縣土司六員內

土司指揮使祁執中

管土千總一員把總二員土兵一百五十二名歲支俸祿銀七十兩一錢五分二厘

指揮同知李蔭筠

管土千總一員把總一員土兵一百名歲支俸祿銀五十兩六錢五分九厘

指揮使陳玉範

病故該員之妻李氏護理土務管土兵二十  
五名止食俸祿銀十六兩九錢六分八厘

指揮使納獻彩

管土兵二十五  
名並未食俸

指揮使汪和鈞

管馬兵二十五  
名並未食俸

指揮僉使吉朝麟

管土兵二十五名歲支俸祿  
銀四十六兩七錢六分八厘

碾伯縣土司九員內

指揮同知祁調元

管土千總一員把總四員土兵一百名  
歲支俸祿銀五十兩六錢五分九厘

指揮同知李世泰

管土千戶一員百戶二員領撫一員官一員千總三員把  
總四員兵三百名歲支俸祿銀五十兩六錢五分九厘

指揮同知趙懷璧

管土千總一員土兵二十四名歲  
支俸祿銀五十兩六錢五分九厘

指揮同知阿進廷

管土千總一員把總一員  
土兵二十三名並未食俸

揮指僉事朱孫林

管土千總一員把總一員  
土兵二十名並未食俸

指揮僉事甘三元保管土千總一員土兵二十四名歲支俸祿銀四十六兩七錢六分八厘

指揮僉事治進忠管土千總一員土兵二十九名並未食俸

土百戶李世元管土千總一員土兵二十五名並未食俸

土百戶辛廣賢管土把總一員土兵十一名並未食俸

大通縣土司一員

土千戶羅藏花爾旦並未管理土兵亦未食俸

以上通共土司四十一員

土千戶一員

土百戶二員

撫鎮一員



土官一員

土千總十四員

土把總十七員

土番兵四千八十三名

除不支俸銀土司外其餘土司共歲支俸祿銀七百六十二兩七錢八分九厘

原

固原鎮總兵圖欽保與回匪戰死之

欽保滿州鑲黃旗人善射有勇略由香山營前鋒校隨富征西將軍定伊犁葉爾羌嗣後出師

緬甸大小金川歷戰百餘奪卡擒賊矢石鎗矛傷幾遍體富阿二相國常倚為健將天  
賜法福禮巴圖魯名號冠加孔雀翎兩金川告捷召見熱河行在繪像紫光閣以旌其勳  
時乾隆四十二年六月也固原為西涼甯夏門戶重兵屯駐披堅執銳之士皆有秦人風  
故關隴諸鎮兵必以固原為最旋任欽保為固原總兵逆回蘇四十三等圍蘭州欽保聞  
警將所部馳抵金城殲賊於外城賊懼鳥獸散旋聚於華林山為負隅之勢然欽保好輕  
騎挾弓矢誘敵伏奇兵以擊追者四月十九日欽保率游擊王三傑等仰攻華林山賊憑

高下壓勢如建瓴欽保墮天橋溝與三傑俱戰死亡士卒九百九十人和坤奏言賊據地勢我兵多不習戰請發侍衛三十員

案東華錄云乾隆四十六年四月甘肅撤拉爾番回蘇四十三等滋事進逼蘭州上命額駙拉旺多爾濟領侍衛內大臣海蘭察護軍統領額森特等率兵討之

關防同往又命大學士阿桂督師旋以阿桂有痒疾諭和坤兼程先進

州訥知賊踞八蜡廟雷壇等處掘壕自固因奏言分兵四路令海蘭察等從山

森特等率所部斜撲賊營提督仁和等直攻八蜡廟大樓坤自偕西安將軍

龍尾山梁策應時海蘭察已逼賊至山梁繼其清中伏匪坤率弁兵乘勢

人賊立坎深數丈小道皆掘斷不能度遂撤兵回是役也總兵圖

欽保陣亡和坤匿不奏後請恩卹始及之帝以其取巧傳旨申飭

附錄皋蘭庠生許學詩弔圖將軍古風一篇名曰礪石高其詞曰華林山下礪石高白日

慘淡風颺颺風促水聲咽戰鼓日烘草色榮征袍水聲草色共悽楚肅肅寒林掩沙渚光

芒百丈縹緲文云是圖公報君處辛丑之歲逆回來黑風直欲破城開將軍大旗從北發

奔騰迅速如轟雷兵甲到時光噉噉賊驚驚恐如鼠鳥重席金城半隅民歌聲先上凌煙

表無何天意竟窮公山下橋斷馬蹶空折肱猶自倚劍坐危身罵賊氣如虹我有白骨憑

賊刺我有碧血憑賊食更有丹心兼鐵肝憑賊剖瀝獻天地骨血心肝今豈無鍊就忠魂

升帝衛里人爲之立片石泰嶽亭亭嵩嶽孤丈夫封侯不關

主只許低頭過此土汗顏難對礪石高礪石之高高千古

詔西安將軍督提督馬彪速赴蘭州勦撤拉爾賊

自土司魯瑪敗後人心惶惑蘭州幾不可旦夕支甫食頃固掠

總兵圖欽保救兵至屯於城下即擊賊西關內衆鎗轟發賊棄禮拜寺率賊衆上華林山  
省城始得保全明日西甯循化涼州兵相繼至制軍亦自狄道駐兵城東大教場賊氣衰  
計阻又明日西安將軍伍彌泰提督馬彪奉急詔率滿漢兵至軍聲頗振賊衆二千人官  
兵已二萬餘賊可一鼓殲盡而兩提督意畏賊互觀望無敢先戰制府方以恢復河州爲  
已功奏請止京兵聚議遷延軍心日懈小與賊遇官  
兵輒敗賊乃屯華林山依山阻險漸成持久之勢矣

案皋蘭縣舊志樺林寺舊稱平遠堂後建古峯寺在縣城西南三里龍尾山之西占峯山  
之麓外有三聖廟明正統間肅邸重修始改名華林則去木字旁乾隆四十六年逆回蘇  
四十三海朝宗周阿訇等爲爭新教自河州犯省城賊分兩股一股據西關禮拜寺一股  
據華林山以佛寺爲巢穴負隅死守官兵無可如何賊平建城於華林山而佛寺空有其  
名矣又岷州亦有樺林  
山以山多樺木故名

### 大學士公阿桂至蘭州令和坤回京

坤出京後沿途逗留四月初七日始抵蘭州阿桂亦於是月二十一日續到所有籌辦諸事雖

皆聯銜入告而自阿桂到後經畫措置始有條理旋奉諭此事阿桂一人已能經理妥  
協無須復令和坤同辦且恐和坤在彼事不歸一卽海蘭察額森特等隨阿桂領兵打仗  
阿桂之派調伊等自較和坤呼應更靈而朕啓鑒熱河爲期亦近御前領侍衛內大臣軍  
機大臣等扈蹕者現已無多和坤令速行馳驛回京初陝西巡撫畢沅奏和坤在途次行  
走情形婉轉開脫措詞委曲帝諭閣臣曰此卽外省觀望習氣究於和坤之行走濡滯能  
逃朕之洞鑒乎方坤之未至蘭州也海蘭察額森特先至金城擊賊勝之坤乃以二人不

查賊形希圖僥倖責數之並奏其欺誑帝曰伊二人先行打仗並無不是之處和坤違  
形之章奏豈行走遲延者反爲有功乎若令朕顛倒是非申飭無過之人朕不爲也  
案東華錄和坤到京復命奏陝西毗連四省形勢扼要而駐防兵單甘肅兵數以遷駐新  
疆未經補額存營者亦少皆須多爲添駐又請西安提督仍復舊制駐固原州而固原州  
總兵遷駐河州其河州協副將改於安定或  
會甯駐紮方足以資控馭命下阿桂等行之  
慕審祺曰此甘肅回族宗教戰爭之第一次也馬明心創新教撒拉回信之最早老教不  
服致啓雲端總督勒爾謹既失之於疎忽布政使王廷贊又出之以操切皆不知回族之  
特性也蓋回族信仰宗教至死不變有非口舌所能解除者矣迨至兵端一起以和坤之  
尊貴而亦馳主金城及阿桂來始蕩平延蔓半年在國家不知費幾許兵力在漢回兩方  
面不知犧牲多少性命天下本無事庸人自擾  
之斯言信矣後之辦教案者其亦知所鏡乎  
慕審祺曰阿桂蕩平回亂功在西陲祠祀雷壇輿情愛戴可謂福將矣觀其詰問和坤又  
何其嚴也若處以謙遜之誠加之曠大之度和衷共濟同寅協恭雖古之周召何遠之有  
戰

五月詔達勒爾謹以李侍堯管理陝甘總督事

侍堯久任封疆歷練地方事務迫調  
任雲貴總督有受賑銀等事事經發

覺革職等因主是勒爾謹獲罪出侍堯於獄特旨賞三品頂  
戴花翎管理陝甘總督事宜未到之先著阿桂暫行兼管



阿桂飛調各路官兵以備圍剿撤拉爾

阿公既至蘭州聞西南關外賊匪任意往來各路調到官兵因無總辦之人聲勢既不聯

絡紀律又不嚴整且綠營兵丁因從前賊勢猖獗時零星打仗傷亡實多因申明軍律激勵戎行派兵自西關外從河岸迤南至山梁安設卡棚彼此接應又於山包上紮一大營照料各卡斷絕賊匪來路令海蘭察額森特明亮總統各營阿公察看賊人所占山梁雖不甚高而坡壘陡險路徑一綫可通必須魚貫而上因飛咨四川總督文綬速飭維州協副將李天佑揀選曾經出師金川之屯練並安插降番等兵共一千名兼程進剿以備上山打仗又思賊人搶掠馬驛甚多將來鉅而走險乘騎竄逸此處兵丁能騎馬追趕殺賊者竟不能得復行文阿拉善王羅布藏多而濟於該遊牧內擇其近蘭州者揀派七百或五百名帶赴甘省以備追捕賊皆新教死黨夙業射獵精火槍官兵與之遇趣敗衄及焚蘭州關廂財物糧食搶掠一空所用火藥河州鎮營舊貯原多盡為賊有是以負固死守且習於戰鬥併命抗拒

六月海蘭察等攻華林山賊卡大捷

阿公令海蘭察明亮率同乾清門侍衛章京等帶領奮勇官兵屯練降番及阿拉善兵豫備埋

伏令海祿等帶兵策應舒亮等各由木卡進攻乘密雨時出賊不意將板網土袋拋入賊濠我兵勇氣百倍哈當阿帶領降番首先跳入濠內與賊攪殺並用撓鉤鉤開土袋板片一面拋擲火彈一面躡身而上勦殺賊衆占得賊濠俱經拆毀填滿海蘭察明亮又督率官兵遠則槍箭齊發近則短兵相接各路官兵咸懷振奮分占壘上賊卡海蘭察明亮又擊立木棚帶兵撲入賊營痛加勦殺拋射火箭火彈將帳房板屋盡行燒毀奪獲賊人刀矛鳥槍無算賊人被我兵槍箭擊死甚多除被賊搶去屍身未經割獲首級外共割得賊



人首級一百二十餘顆並首逆蘇四十三黨惡韓一提巴拉周阿潭張懷德馬黑提卜等  
首級此外被官兵殺死又帶傷者三百餘人見止二百餘人退回華林寺死守是時官兵  
攻得大卡及所占廟宇距賊營其近賊已無險可  
守黃河南北岸邊俱有官兵接連密佈不易逃竄  
案清史海蘭察奉命馳驛前往勦匪乾隆四十六年四月抵蘭州大學士阿公令海蘭察  
總理軍務乃偕明亮額森特等分左右翼上山撲賊賊遁海蘭察射斃多賊復從龍尾山  
踰溝猝上華林山賊傾穴出佯退賊率衆來追還兵擊之賊不敢近閏五月率阿拉善  
馬雲統華林山西南潛伏突出壕截賊殲之又率屯練兵取賊卡四棄馬步戰受槍傷帶  
憫其勞論阿桂撫慰之賊堅守爲貢固計海蘭察單騎至五泉山審度賊情還向華林溝  
暫伏偵賊歸巢急起疾攻遂克之頒賜嘉獎六月入賊營焚其帳房板屋退保華林寺官  
兵逼寺立棚盡殲賊衆以賊渠首級傳示各回民賊平諭曰此次勦滅賊  
拉爾賊匪海蘭察其爲奮勉著將伊子安祿授爲三等侍衛以示鼓勵  
慕喜祺曰撒拉賊據華林山最多不過四千人耳而政府則視爲大軍務蓋恐西北半壁  
從此動搖而殘賊華民又不知幾何人矣此數月中層層布置提督則任和馬彪將軍則  
西安滿城伍彌泰總兵則圖欽保德甯大將則海蘭察明亮額森特尙書則和坤帶欽差  
關防阿桂則調自河工京兵則健銳火器營滿兵則索倫馬隊及巴圖魯漢則涼州甘州  
肅州西甯循化之兵土兵則連城魯瑤所部蒙古則阿拉善騎兵總督則李侍堯出之獄  
中額附則拉旺多爾濟浩蕩蕩實集蘭州猶以爲未足阿桂又飛咨四川總督文綬速  
飭維州協副將李天佑帶兵一千名來甘以備上山打  
仗而海蘭察已攻破華林山賊卡西賊聞之心膽寒矣

秋七月阿桂帶兵攻華林寺克之

是月初五日阿桂帶兵至華林寺牆邊攻撲賊退竄寺屋及門牆內藏匿我兵焚燒寺基寺簷坍塌斃賊

甚多餘竄至後牆及兩甬牆圍內用槍石抵禦初六日我兵至寺後緣牆而上放槍擲石斃賊幾盡有賊百餘從西邊滾下直嚙我兵重重圍裹擒殺淨盡無一漏網我兵復縱火

焚寺賊冒煙火出奔圍而

繼之前後四閱月賊平

案噶亭雜錄乾隆辛丑夏甘肅撤回叛乘官軍不備直撲省城據西郭外之林華山其地居高臨下官軍無用武之地提鎮陣亡者甚衆上命阿公征之時阿公視中牟決口工竣即趨赴上命和坤往攝其象和固自負其才欲於阿公未至之前先時驅滅乃刻期進師卒爲所敗又所調至將帥俱不爲和用和每發一議衆輒沮之亦不能難也及阿公至和出迎公問其失機狀和赧然曰將帥皆傲慢不爲吾用公請試之公曰然則斬耳和復問進兵狀公笑不答令諸將帥於次日晨集轅前每呼一將入輒命和坐其側公有所調論及命屯戍處其人輒應如響如是者數和旁觀既久甚憤公部署畢問和曰諸將初不見其慢尙方劍知不誅誰之頭也和戰慄無人色公乃命和即日銜命歸和於是恨公入次骨終身與之齟齬蓋構讐於此也而撤回之

亂卽從此戡定甘人思其德建祠於雷壇河

又案皋蘭縣舊志總兵圖欽保與游擊王三傑同日陣亡事聞詔和坤回京五月公相阿桂至蘭其時節相李侍堯總制陝甘海侯明伯諸宿將帶京營索倫兵先後至仍簡巴圖魯三十餘員赴調撥壁壘一新然官兵久怯日與賊戰不過遠施鎗炮而已阿桂計死賊難與爭鋒宜用長策制御之命諸將小緩數日賊見官軍不敢進意稍息五月十五日阿

桂使人難擄水者伏賊徑乘其不備突出奇兵與戰遂奪其據險之路毀賊堅壘用木橋  
蔽鎗箭迭進迭戰塹華林山逼賊作木城守東北分遣兵斷汲道賊乏水不能軍計日蹙  
六月十五日賊決命衝官軍壘欲通官兵奮勇進剿殺賊二千人逆首蘇四十三海朝宗  
周阿潭等皆授首惟存韓一的巴拉及阿潭數人收合餘燼尙欲死守官兵填坑平塹僅  
得華林寺片掌地七月初六日縱火燒寺諸軍湧入斬首四百餘級誅韓逆等其餘被傷  
生擒賊盡死阿桂及李制府前後檄捕餘黨安定伏羌河州官川唐家川洪濟橋從逆新  
教悉擒誅奏聞純廟憫甘肅民連歲困兵荒疊奉恩旨被賊鄉村先發帑撫恤又詔奉  
通邑特蠲租賦事平後吏覆勘焚毀室廬損失牲畜避匿人丁細弱者官給費贖之詔  
班師行  
賞有差

甘涼道曾翼由平番防次回任

撤拉之變總督調曾翼駐平番縣以防回匪西竄現在軍務結束翼回甘涼道署

附翼金城紀事詩八首言當時情事鉅細畢駭全錄之

其一云西陲鎖鑰控巖疆民物恬熙化日長萬里梯航通徼塞百年耕牧靖  
氏羌無端戾氣鍾羣醜敢向潢池試陸梁畢竟么魔成底事當車空自笑螳  
螂其二云工分十二號番回新舊紛爭結禍胎數載養癰終潰決一朝奮臂

十  
卷  
一  
一  
恣喧應副戎碎首原無備太守銜鬚劇可哀倉猝鴟關傳警報徵兵四出羽  
書催其三云河橋鎗斷駛奔轍龍尾山傍起賊壕百尺危樓接烽火萬家登  
屋聽呼號乘陣下石梯銜碎負土填門鏑健牢辛苦嬰城老方伯韞中機  
枕邊刀其四云玉帳牙旗駐近郊重英駟介自逍遙隔河飛轍同兒戲閉壘  
觀圖任客嘲憤我曾無尙方劍羞他枉插總戎貂最憐陷陣捐軀者盼斷援  
兵恨未消其五云賊鋒小挫豈紓憂壁上諸軍盡逗遛禁旅初聞過赤縣捷  
書速報復河州交綏輒譚輿尸辱聚議真同築室謀坐使依山成負固居然  
高壘復深溝其六云徵師二萬集轅門荼火遙看殺氣屯豈謂銜鋒憑奮教  
更煩馳檄調降番軍心轉爲承平惰月餉曾忘象養恩痛惜原州圖總鎮重  
圍孤掌未歸元其七云允吾城古屹邊衝河右屏藩作鎮雄南去蘭垣通省